

## Møre og Romsdal har fått eige forskingsfond

-Pengane er øyremerka Møre og Romsdal, og noko av det bedrifter og kommunar kan sjå fram til, er tettare oppfølging og kortare saksbehandlingstid, seier styreleiaren i det nye fondet, Bergljot Landstad.

PUBLISERT 28. JAN. 2020 OPPDATERT 7. FEB. 2023



I 2020 har fondet 14,4 mill. kroner til å støtte gode forskingsprosjekt.

### Vil utvikle forskingskultur

-I Møre og Romsdal har vi ein tradisjon for å bruke magefølelse og erfaring for løyse problem. Men vi lever i ei ny tid, og innsikta forskinga kan gi oss, vil i mange tilfelle vere heilt avgjerande for å lykkast, seier Terje Bach i NEAS. Bach sit i styret for det nye fondet som ein av representantane for næringslivet. Styret hadde sitt første møte tysdag 28. januar.

### Sekretariat tett på

Det er også på plass eit sekretariat som vil vere kontaktpunktet mot bedrifter og kommunar som ønskjer å sette i gang forskingsprosjekt. Sekretariatet består av Øyvind Herse og Anna-Marie Hatlestad, begge arbeider i Møre og Romsdal fylkeskommune med forskning og innovasjon. -Vi ser fram til bistå bedrifter og kommunar med å komme i gang med forskning. Fordelen med å vere eigen fondsregion er kortare avstand til der utviklinga skjer, og at vi kan sjå fleire virkemidlar i samanheng, seier Herse.

### Fortløpande vurdering av forprosjekt

Regionalt forskingsfond Møre og Romsdal kjem til å lyse ut to typar prosjekt: kvalifiseringsprosjekt (forprosjekt) og hovudprosjekt. Kvalifiseringsprosjekta vil det vere mogleg å søke på heile året, og søknadvurderinga skjer fortløpande. Hovudprosjekt vil bli lyst ut ein gong kvart år, første gong i slutten av mars 2020, med søknadsfrist 6. mai.

### Styret i RFF Møre og Romsdal

- Styreleiar: Bergljot Landstad frå Møre og Romsdal fylkeskommune
- Erik Kursetgjærde frå kultur-, nærings- og folkehelseutvalet
- Siv Katrin Ulla frå utdannings- og kompetanseutvalet
- Iren Stoknes og Terje Bach representerer næringslivet
- Arthur Almestad frå Forskningsrådet
- Turid Hanken representerer kommunane

Meldinger ved utskriftstidspunkt 5. juni 2026, kl. 00.33 CEST

Det ble ikke vist noen globale meldinger eller andre viktige meldinger da dette dokumentet ble skrevet ut.

